

中國史學叢書

李真言著

六島年

商務印書館

中國史學叢書

李嘉言著

賈

島

年

譜

商務印書館發行

中華民國三十六年九月初版

命(91280.1)

叢書 國史 賈 島 年 譜 一 冊

定價國幣貳元伍角

印刷地點外另加運費

著 者 李 嘉 言

發 行 人 朱 經 農  
上海河南中路

印 刷 所 商 務 印 書 館  
印 刷 所 商 務 印 書 館

發 行 所 商 務 印 書 館  
各 地

## 自序

唐詩自老杜而降，韓白以還，誠有如清杜庭珠所云「光芒四射，不可端倪，文彩機杼，變化雜陳」者，而張籍賈島尤爲蒼頭異軍突起。蓋晚唐諸子若司空圖章孝標朱慶餘，皆取法乎籍者也；姚合張祐鄭谷曹松許棠，皆取法乎島者也。降及南宋，趙紫芝翁靈舒輩尤喜島詩，一時多倣其體。清李懷民且特爲二氏撰中晚唐詩主客圖，以相標榜。苟非二氏有命世奇才，何足以轉移風尚以至於此乎？抑賈島與同時名家若韓愈元稹李益王建張籍孟郊姚合沈亞之輩，多相往還，時共酬唱；篇什俱在，文獻足徵。爰特爲斯譜，以網羅之，以商略之，以發明之，並以明乎考賈島卽所以考諸家。覽者循是以求之，則流別可知，塗術斯在，是鄙陋之志也。民國二十五年春，譜始剞於北平之清華園，二十七年春初易稿於國立長沙臨時大學，二十八年秋二易稿於國立西南聯合大學，及三十年四易稿成，凡五經寒暑，三移厥居。其間因值國難，流竄遷徙，或志趣旁轉，心爲他役，功有間斷，紕繆疏漏，自所難免。方聞君子，尙其正之。

民國三十四年六月李嘉言敍於蘭州十里店國立西北師範學院

# 目次

## 自序

## 年譜

## 附錄

- 一 賈島年譜外記
- 二 賈島交友考
- 三 長江集考辨
- 四 賈島詩之淵源及其影響
- 五 賈島詩評輯

四五

一

# 賈島年譜

賈島，字浪仙，范陽人。

蘇絳賈公墓志銘（註一）曰「公諱島，字浪仙，范陽人也。」新唐書本傳同。案韓愈送無本師歸范陽詩曰「家住幽都遠」，無本，島之法名（詳後），唐幽州范陽郡有幽都縣（見新書地理志），韓云其家住幽都，不知謂幽都縣，抑泛指幽燕。本集（註二）明月山懷獨孤崇魚琢曰「鄉本北嶽外」，晚晴見終南諸峯曰「故山思不見，碣石沈寥東」，題青龍寺曰「碣石山人一軸詩」，（註三）北嶽碣石山並在古幽州地。

先世名字官爵，俱未詳。

蘇志曰「祖宗官爵，頗未研詳，中多高蹈不仕。」（註四）  
代宗大曆十四年己未（七七九）一歲

蘇志曰「會昌癸亥歲七月二十八日終于郡官舍，春秋六十有五。」（註五）案會昌三年癸亥，以六十五歲推之，當生於本年。新書本傳曰「會昌初以普州司倉參軍遷司戶，未受命，卒年五十六」，五十六當爲六十五之誤倒。（註六）

李益三十二歲（註七）

孟郊二十九歲

韓愈十二歲

張籍十二歲(？)

王建十二歲(？)

楊巨源十歲(？)

姚合五歲(？)

馬戴五歲(？)

周賀三歲(？)

元稹一歲

德宗建中元年庚申(七八零)二歲

殷堯藩一歲(？)

建中二年辛酉(七八一)三歲

沈亞之一歲(？)

建中三年壬戌(七八二)四歲

建中四年癸亥(七八三)五歲

李廓一歲(？)

興元元年甲子(七八四)六歲

貞元元年乙丑(七八五)七歲

貞元五年己巳(七八九)十一歲

李餘一歲(？)

貞元六年庚午(七九零)十二歲

早歲爲浮圖，名無本。

何光遠鑑戒錄（註八）卷八賈忤旨條曰「烏後爲僧，名無本。」新書本傳曰「初爲浮屠，名無本。」唐詩紀事直齋書錄解題及唐才子傳說皆同本傳。案二說抵牾，必有一誤。烏早歲行事不概見，疑本傳說是，特不知其始于何年耳。姑附于此。（註九）

貞元八年壬申（七九二）十四歲

朱慶餘一歲（！）

貞元十一年乙亥（七九五）十七歲

盧仝一歲（！）

貞元十二年丙子（七九六）十八歲

顧非熊一歲（！）

貞元十三年丁丑（七九七）十九歲

初離鄉里疑在本年前後。

寶曆二年前後有青門里作詩，曰「泉樹一爲別，依稀三十秋。」案泉樹蓋指故里，由寶曆二年前溯至本年爲三十年。

貞元二十年甲申（八〇四）二十六歲

順宗永貞元年乙酉（八〇五）二十七歲

雍陶一歲（！）



憲宗元和元年丙戌（八〇六）二十八歲

元和五年庚寅（八一〇）三十二歲

至洛陽，欲謁孟郊，因遊趙未果。

案明年有投孟郊詩，曰「前歲曾入洛，差池阻從龍；萍家復從趙，雲思長縈嵩。」（註一〇）前歲蓋謂本年。本年冬在長安，則遊趙當在十一月前。本集題劉華書齋曰「終南同往意，趙北獨遊身。」當作于本年或以後。

冬。至長安，雪中懷詩謁張籍韓愈，適愈已赴洛陽。

本集攜新文詣張籍韓愈途中成曰「袖有新成詩，欲見張韓老；青竹未生翼，一步萬里道；仰望青冥天，雲雪壓我腦；失却終南山，惆悵滿懷抱。」鄭珍巢經巢文集卷五跋韓愈送無本師歸范陽（下簡稱鄭跋）曰「此知島由幽都攜所業來謁公，先至長安見張籍，而後赴洛，故題與詩皆敍張先韓，而詩尙作于見張之先也。雪失終南知見張在元和五年冬。」案鄭說是也。惟謂島由幽都來則未確。本集又有投張太祝詩，張太祝卽張籍，籍本年爲太常寺太祝（見韓愈代張籍與李浙東書注）。詩曰「身臥東北泥，魂掛西南霞，手把一枝栗，往輕覺程賒……欲買雙瓊瑤，慙無一木瓜。」知係在鄉里投寄之作。既本年始見張，則此詩當作于本年以前。本集編次亦列攜新文詣張籍韓愈途中成於此詩之後，可資參證。至張籍官太祝始於此前何年，容俟續考。

初謁李益於洛陽，與益及韋執中諸葛覺在天津橋南聯句，當在本年前後。

本集有天津橋南山中各題一句，原注與李益韋執中諸葛覺同賦。案韋執中本年爲河南令（見韓昌黎外集遺詩同竇牟韋執中尋劉尊師不遇詩注〔註一〕），是烏在洛與執中諸人聯句必在本年前後。又有投李益及再投李益常侍二詩，後詩曰「何處初投刺，當時赴尹京……聯句逢秋盡，嘗茶見月生。」是初投李益與聯句爲同年事。

【詩】攜新文詣張籍韓愈途中成

【附詩】投張太祝

題劉華書齋

投李益

天津橋南山中各題一句

元和六年辛卯（八一—）三十三歲

春，自長安赴洛陽，始謁韓愈。

韓愈送無本師歸范陽曰「家住幽都遠，未識氣先感。來尋吾何能，無殊嗜高歎……始識洛陽春，桃枝綴紅糝。」案韓愈此詩作于本年冬（見此詩注），則「始識洛陽春」當謂本年春於洛陽識之也。（註一二）

秋，隨愈入長安，居青龍寺。

韓愈送無本曰「始識洛陽春，桃枝綴紅糝，遂來長安里，時卦轉習坎。」鄭跋曰「是年秋，公遷職方，島或隨公入京。」唐才子傳賈島傳曰「來東都，旋往京，居青龍寺。」案青龍寺在長安新昌坊南門之東，（註一三）北枕高原，前對南山，爲登眺之絕勝。（註一四）初識孟郊。

本年孟郊有戲贈無本詩（見韓昌黎集送無本師歸范陽詩注）曰「長安秋聲乾，木葉相號悲」，又曰「朔雪凝別句，朔風飄征魂」，與島本年秋赴長安冬歸范陽之時令正合，知孟郊相識不得遲過本年。註一五 本集投孟郊詩曰「江南有高唱，海北初來通」，知卽作于初識之時。又曰「前歲曾入洛，差池阻從龍」，當是前歲未嘗相晤之意。假定本年初識孟，則前歲當謂上年。上年島蓋嘗至洛投李益，與「前歲曾入洛」句合。十一月，歸范陽，韓愈有詩送之。

案韓愈送無本曰「遂來長安里，時卦轉習坎」，注曰「與之別十一月矣。坎，十一月卦也。」孟郊戲贈無本曰「朔雪凝別句，朔風飄征魂」，其物候與韓詩注正合。途經濟源懸泉驛，寄詩孟郊。

案孟郊元和二年試協律郎（見韓愈貞曜先生墓志銘），元和九年卒（詳後）。本集寄孟協律曰「別後冬節至，離心北風吹；坐孤雪屏夕，泉落石橋時……岩巖倚角窗，王屋懸清思」，王屋山在孟州濟源縣（參見新書三八河南府王屋縣及三九孟州濟源縣），爲島

歸途所經之地，知詩爲本年歸范陽途次所作。詩中所謂泉，當卽懸泉，白居易遊坊口懸泉偶題石上曰「濟源山水好」，可證。（註一六）本集又有宿懸泉驛詩，曰「曉行瀝水樓，暮到懸泉驛」，當係同時所作。玩前詩「坐孤雪屏夕，泉落石橋時」二句，與宿懸泉驛情事正合。

【詩】投孟郊

寄孟協律

宿懸泉驛

【附詩】題青龍寺鏡公房

題青龍寺

元和七年壬辰（八一—二）三十四歲

春，在范陽，韓愈有書寄之。

本集雙魚謠原注曰「時韓職方書中以孟常州簡詩見示」。案韓愈上年秋拜職方員外郎，本年二月後爲國子博士（見洪興祖韓子年譜（註一七））。烏上年冬別愈歸里時，愈方爲職方員外郎，本年春復爲博士，烏猶未悉，故以前官稱之。以此推之，雙魚謠必本年春在鄉里時作也。

秋，自范陽赴長安，途經易水賦詩。既至長安，適沈亞之下第東歸，有詩送之。

沈亞之本年以書不中第，返歸吳江（見李賀送沈亞之歌序）。（註一八本集有送沈秀才下第東歸詩，知島本年復由鄉里返長安。又以早起詩中「北客入西京，北雁再離北」及「秋寢獨前興，天梭星落織」之語驗之，知離鄉蓋在秋時也。又有易水懷古詩，各本皆編次於雙魚謠及早起二詩之間，彼二詩皆作于本年，疑此亦本年返京途經易水時作。（註一九）

本年居長安延壽里，與張籍隣里。

本集延康吟詩曰「寄居延壽里，爲與延康隣；不愛延康里，愛此里中人。人非十年故，人非九族親；人有不朽語，得之烟山春。」案里中人當謂張籍，籍本年前爲太祝，居延康里，（註二〇）直至元和十五年乃移居靖安里（詳後）。島自前年入京謫籍，至今不過三年，故云「人非十年故」。籍以詩名，故云「人有不朽語」。此詩及延壽里精舍寓居並當作於本年或稍後。

【詩】雙魚謠

易水懷古

早起

送沈秀才下第東歸

【附詩】延壽里精舍寓居

延康吟

元和八年癸巳（八一三）三十五歲

【附詩】送皇甫侍御

皇甫侍御疑爲皇甫湜。李賀高軒過詩原注曰「韓員外愈皇甫侍御湜見過，因而命作。」案湜元和元年進士及第（見登科記考），嘗爲陸渾尉（見新書本傳），（註二）其官侍御當在本年前後。上詩無確年可考，姑附于此。（註二）

元和九年甲午（八一四）三十六歲

陳商及第，將遊遠府，有詩送之。

陳商本年進士及第（見登科記考）。本集送陳商曰「聯翩曾數舉，昨登高第名，」又曰「上客遠府遊，主人須目明，」知商及第後，卽被辟爲遠府幕僚也。

八月，孟郊卒，有詩哭之。

孟郊本年八月卒（見韓愈貞曜先生墓志銘）。本集有哭孟郊及弔孟協律詩。（註二三）

【詩】送陳商

哭孟郊

弔孟協律

元和十年乙未（八一五）三十七歲

八月，李文通平淮西，築城於萬勝崗，島有詩贈之。

沈亞之萬勝崗新城錄曰「元和九年蔡之帥死，其子元濟以其土叛，逸掠陳汝之間。冬縱兵臨壽春，屠馬塘，走其守令狐通。焚霍丘，淮南郡邑大駭，民人卷席而居。上聞之，怒譎其守。明年春詔執金吾李將拋傳出守之。既至，收其壞卒，聚壽春城。使人勞井閭，而市貨耕桑之業始復。民人莫知復爲戰矣。八月乙巳夜引兵南出霍丘百四十里，又折而西四十里，營于萬勝崗，築新城。」本集贈李文通曰「營當萬勝崗頭下，誓立千年不朽功；天子手擊新鉞斧，諫官請贈李文通。」案文通築城既在本年八月，則詩蓋作于本年秋季之間。

十二月，僧懷暉示寂于章敬寺，有詩哭之。

權德輿唐故章敬寺百巖大師碑銘序曰「師諱懷暉，姓謝氏。止於太行百巖寺，門人因以百巖號焉。元和三年有詔徵至京師，宴座于章敬寺，每歲召入麟德殿講論，後以疾固辭。十年十二月二十一日恬然示滅。其年六十，其夏三十五。弟子智朗志操等以明年正月起塔于瀟陵原。」宋高僧傳第十懷暉傳所載卒年同。本集有哭柏巖禪師詩。宋高僧傳謂岳陽司倉賈島爲文述德，今島文無考，不知卽此詩否。（註二四）

與張籍題詩祕書郎楊巨源新居，當在本年前後。

元氏長慶集卷二十嘉陵水原注曰「此後並通州詩」。同卷和樂天贈楊祕書詩編次於嘉陵

水後，知亦作于爲通州司馬時。據酬樂天東南行詩一百韻序，積爲通州司馬始于本年，終于元和十三年，則楊巨源爲祕書郎當在本年前後。烏與張籍並有題楊祕書新居詩，卽巨源也。

【詩】贈李文通

哭柏巖禪師

【附詩】楊祕書新居

元和十一年丙申（八一六）三十八歲

九月，李正辭貶金州刺史，烏有詩贈之。

李正辭本年九月貶金州刺史（見舊書本紀）。（註二五）本集有贈李金州詩，卽贈正辭也。

【詩】贈李金州

元和十二年丁酉（八一七）三十九歲

寄詩太子右庶子錢徽，當在本年或稍後。

錢徽本年以論淮西事忤旨，罷職徙太子右庶子（見舊書一六八及新書一七一）本傳。韓愈

本年有題錢徽自代狀，亦稱錢爲庶子。本集有寄錢庶子詩卽徽也。（註二六）

赴襄陽謁蜀僧悟達國師，疑在本年前後。

鑑戒錄曰「烏後爲僧，改名無本，入襄投蜀僧悟達國師知元院中。」案此不載年月，疑



本年前後遊荊州嘗道出襄陽，謁悟達卽過襄陽時事也。

遊荊州，寄詩武功主簿姚合，當在本年前後。

姚合上年進士及第，調武功主簿（見唐才子傳本傳）。本集寄武功姚主簿曰「居枕江沱北，情懸渭曲西。」渭曲西指武功，江沱嘗卽禹貢所謂荊州之沱。（註二七）蓋本年前後姚合爲武功主簿時，島正居荊州也。本集送劉知新往襄陽曰「此別誠堪恨，荆襄是舊遊。」又寶曆二年寄李勣侍郎曰「憶漱蘇門澗，經浮楚澤瀦。」（註二八）並其嘗遊荊州之證。

【附詩】寄錢庶子

寄武功姚主簿

元和十三年戊戌（八一八）四十歲

赴鳳翔，疑在本年前後。

案朱慶餘有鳳翔西池與賈島納涼詩，知島嘗至鳳翔。上年前後在荊州寄武功姚主簿曰「居枕江沱北，情懸渭曲西……隴色澄秋月，邊聲入戰鼙，會須過縣去，況是屢招攜。」似謂將赴隴邊，道經武功，卽可與姚合相晤。所謂隴邊，疑卽指鳳翔而言。本集有岐下送友人歸襄陽詩，岐下岐山下也，岐山在鳳翔府岐山縣（見新書三七地理志）。

【附詩】岐下送友人歸襄陽